

Broj: 06-02-121-23/2019-14  
Sarajevo, 10.09.2019. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, broj: 39/14), a na prijedlog Komisije za javne nabavke imenovane Rješenjem, broj: 09-34-122-R-7/2019 od 25.07.2019. godine, sekretar Vlade Federacije Bosne i Hercegovine, d o n o s i

**O D L U K U**  
**O IZBORU NAJPOVOLJNIJEG PONUĐAČA ZA JAVNU NABAVKU ROBA –**  
**KOMPJUTERSKE OPREME I KANCELARIJSKIH MAŠINA ZA POTREBE GENERALNOG**  
**SEKRETARIJATA VLADE FEDERACIJE BOSNE I HERCEGOVINE**  
**(LOT 1 – NABAVKA ROBA – DESKTOP RAČUNARA)**

**I.**

U cilju odabira najpovoljnijeg ponuđača, u provedenom postupku javne nabavke: Konkurentski zahtjev za dostavu ponuda za javnu nabavku roba – nabavka kompjuterske opreme i kancelarijskih mašina za potrebe Generalnog sekretarijata Vlade Federacije Bosne i Hercegovine (LOT 1 - desktop računari), evidencijski broj nabavke: 06-02-121-23/2019-1, broj Obavještenja o nabavci sa portala javnih nabavki: 854-7-1-34-3-17/19 od 31.07.2019. godine, kao najbolje ocijenjena prihvatljiva ponuda je ponuda ponuđača **DIGITARIJA d.o.o. Sarajevo**, sa ukupnom cijenom ponude bez PDV-a, nakon provedene e-Aukcije, u iznosu **2.132,00 KM**.

**II.**

Ponuđač iz tačke I. ove odluke ocijenjen je kao najpovoljniji, jer ispunjava uslove postavljene Tenderskom dokumentacijom, a u skladu sa kriterijem za dodjelu ugovora (najniža cijena), nakon održane e-Aukcije, ponudio je najnižu cijenu.

**III.**

Za realizaciju ove odluke zadužuju se Sektor za pravne i opće poslove i Sektor za materijalno-finansijske poslove.

**IV.**

Ova odluka stupa na snagu danom donošenja i objavit će se na web stranici Vlade Federacije Bosne i Hercegovine-Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

## Obrazloženje

Postupak nabavke pokrenut je Odlukom o pokretanju postupka javne nabavke, broj: 06-02-121-23/2019 od 24.07.2019. godine. Javna nabavka provedena je putem Konkurentskog zahtjeva za dostavu ponuda. Predmet nabavke podijeljen je na tri LOT-a čija je ukupna procijenjena vrijednost nabavke iznosila 17.000,00 KM. Ukupna procijenjena vrijednost nabavke za LOT 1 iznosila je 3.000,00 KM bez PDV-a. Obavijest o nabavci poslana je na objavu 31.07.2019. godine, te je istog dana objavljena na portalu Javnih nabavki pod brojem: 854-7-1-34-3-17/19.

Tendersku dokumentaciju preuzelo je 39 (tridesetdevet) privrednih subjekata, a 9 (devet) ponuđača dostavilo je ponude u predmetnom postupku nabavke za LOT 1. Sve ponude su blagovremeno pristigle. U skladu sa provedenim predmetnim postupkom javne nabavke, ponude za LOT 1 su dostavili sljedeći ponuđači: TR-DOPER-TECH Kiseljak, BOSNIEN BUSINESS SYSTEMS d.o.o. Sarajevo, „ELUR“ d.o.o. Kiseljak, REBUS d.o.o. Sarajevo, ROBERT'S PLUS d.o.o. Sarajevo, TELEGROUP d.o.o. Sarajevo, PRINTEX d.o.o. Sarajevo, DIGITARIJA d.o.o. Sarajevo i EMADO d.o.o. Sarajevo.

Komisija za javne nabavke, imenovana Rješenjem, broj: 09-34-122-R-7/2019 od 25.07.2019. godine, izvršila je pregled i ocjenu ponuda, te konstatovala da je, od ukupno 9 (devet) dostavljenih ponuda, prihvatljivo 7 (sedam) i to ponude ponuđača: BOSNIEN BUSINESS SYSTEMS d.o.o. Sarajevo, „ELUR“ d.o.o. Kiseljak, REBUS d.o.o. Sarajevo, TELEGROUP d.o.o. Sarajevo, PRINTEX d.o.o. Sarajevo, DIGITARIJA d.o.o. Sarajevo i EMADO d.o.o. Sarajevo, dok su 2 (dvije) neprihvatljive i to ponude ponuđača: TR-DOPER-TECH Kiseljak i ROBERT'S PLUS d.o.o. Sarajevo.

- Ponuda ponuđača TR-DOPER-TECH Kiseljak odbačena je iz sljedećih razloga:
  - U Aneksu 3 - OBRAZAC ZA CIJENU PONUDE – ROBE (DESKTOP RAČUNARI) u tabelarnom prikazu pod rednim brojem 1. kod Naziva - RAČUNAR u rubrici "Tehnička specifikacija" traženo je, između ostalog, "SSD disk: min. 128 GB". Pregledom Ponude, a u skladu sa gore navedenim ponuđač TR - DOPER-TECH Kiseljak za navedenu robu ponudio je „SSD disk: 120 GB“, a ne "min. 128 GB" kako je traženo tehničkom specifikacijom.
  - Također, pregledom detaljne tehničke specifikacije ponuđene robe-računara „HP Desktop Pro G2“ u dijelu „kućište i napajanje“ konstatovano je da je ponuđeno: „MS SIRIUS II 500 W“. Isto ne odgovara tehničkoj specifikaciji ponuđenog računara „HP Desktop Pro G2“.
- Ponuda ponuđača ROBERT'S PLUS d.o.o. Sarajevo odbačena je iz sljedećeg razloga:
  - U Tenderskoj dokumentaciji, tačka III.,1.2.,c. u svrhu dokazivanja uvjeta u pogledu ekonomske i finansijske sposobnosti, ponuđač je, između ostalog, bio dužan dostaviti: „Potvrda poslovne banke o solventnosti ponuđača, odnosno da u proteklih 12 (dvanaest mjeseci), **uključujući i datum objavljivanja Obavještenja o nabavci (31.07.2019. godine), transakcijski račun ponuđača nije bio blokiran.**“ Ponuđač ROBERT'S PLUS d.o.o. Sarajevo dostavio je Potvrdu o solventnosti, broj: SJ08-28-5-19-851 od 28.05.2019. godine izdatu od UniCredit Bank d.d. kojom se potvrđuje: da ponuđač ima otvoren Glavni račun kod Banke koji nije blokiran, da je Klijent solventan i da nema dospjelih a neizmirenih obaveza prema Banci. Iz priloženog dokaza ne može se utvrditi da transakcijski račun Ponuđača nije bio blokiran dana 31.07.2019. godine, kada je objavljeno Obavještenje o nabavci. Potvrda ne uključuje datum objavljivanja Obavještenja o nabavci (31.07.2019. godine) i podatak da u proteklih 12 (dvanaest) mjeseci, transakcijski račun ponuđača nije bio blokiran.

U skladu sa tačkom V. Odluke o pokretanju postupka javne nabavke, broj: 06-02-121-23/2019 od 24.07.2019. godine provedena je e-Aukcija dana 03.09.2019. godine, za LOT 1, sa početkom u 10.00 sati.

Nakon provedene e-Aukcije, Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 06-02-121-23/2019-13 od 09.09.2019. godine i Preporuku o izboru najpovoljnijeg ponuđača DIGITARIJA d.o.o. Sarajevo, sa registriranim sjedištem u Sarajevu, ID: 4201551320006 za predmetnu nabavku-LOT 1.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz Tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

#### **POUKA O PRAVNOM LIJEKU:**

Protiv ove odluke svaki od ponuđača koji je učestvovao u postupku nabavke može izjaviti žalbu Uredu za razmatranje žalbi Bosne i Hercegovine putem ugovornog organa – Generalnog sekretarijata Vlade Federacije Bosne i Hercegovine, u pisanoj formi direktno, elektronskim putem ili preporučenom poštanskom pošiljkom, u roku od 5 (pet) dana od dana prijema ove odluke.



Dostaviti:

1. Svim ponuđačima u postupku
2. Komisiji za javne nabavke
3. Sektor za pravne i opće poslove
4. Sektor za materijalno-finansijske poslove